

# Il mas-chalch da Sent



Publicaziuns officialas. Cumpara seguond bsögn.  
2009/2011  
no. 36

7554 Sent, 17 schner 2011 / bmr

## Publicaziuns da fabrica

**Reguarda:** Sistem fotovoltaic sün tet, Via Sura 604, 7554 Sent

**Patrun da fabrica:** Jon Andrea Piguet, Via Sura 604, 7554 Sent

**Profilà:** 03.01.2011

---

**Reguarda:** Divers müdamaints, Sala 244, 7554 Sent

**Patrun da fabrica:** Jacques Jud, Oberdorfstrasse 15 A, 9524 Zuzwil

**Profilà:** --

---

**Reguarda:** Chamonna per deposit, Tuols, parc. no. 462, 7554 Sent

**Patrun da fabrica:** Men Zanetti, Curtin Sura 178A, 7554 Sent

**Profilà:** 14.12.2010

---

**Reguarda:** Chasa d'abitar plurifamiliara, Plaz 41 B, 7554 Sent

**Patrun da fabrica:** Domenic ed Annamaria Augustin, Plaz 41, 7554 Sent

**Profilà:** 10.01.2011

---

**Publicaziun:** 17.01.2011

**Termin da protesta:** 06.02.2011

**Edizium:** Tuot ils plans sun exposts in büro cumünal.

**Recuors:** Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

**La cumischiun da fabrica**

## Film

Film sün DVD dal 1986 „Wiesen in den Bergen“, tut sü a Sent (Prada in muntogna). Quist film po gnir retrat sün büro da cumün. Predsch fr. 30.--.

**Administraziun cumünala**

## **Cità d'energia**

Illa sezzüda dals 15 november 2010 ha decis il Cussagl cumünal, in connex cul aquist dal label "Cità d'energia", da vulair promouwer la glied chi va regularmaing giò Scuol dad ir culs mezs publics. Perquai subvenziunescha il cumün üna part dals abunamaints per quel traget. Uschè pon creschüts a partir da 18 ons retrar ün abunamaint redot per quel traget. Il böt es da transferir quels chi van cul auto via süls mezs publics. L'abunamaint sto gnir retrat sco fin uossa pro la Posta. La reducziun importa 50%. L'import po gnir muossond l'abunamaint, retrat sün büro cumünal. Quista sporta nu vaglia per GA's e Bügas.

## **Il Cussagl cumünal**

### **Magister/ ra da religiun**

Pel on da scoula 2011/12 tscherchaina ün magister/ ra da religiun per la 5. e 6. avla classa. Per ulteriuras dumondas stan a disposiziun rav. J. Büchel, tel. 081 864 87 28 ed Anna Barbla Buchli, tel. 081 864 98 29.

## **La Pravenda**

### **Avis a reg. rumir naiv da/per privats**

Illa sezzüda dals 4 december 1996 ha discus il Cussagl cumünal a regard tscherchar üna soluziun pel möd da rumir la naiv per privats. In vista cha quista fatschenda nun es daltuot simpla a regard trar tscherts cunfins, ha decis il Cussagl cumünal da metter quist avis aint il Mas-chalch:

1. Id es admiss da rumir plazzas privatas sün vias cumünalas, scha la naiv vain palada sün via güsta cha quella vain rumida dal cumün;
2. Sch'inchün giavüscha ch'ün toc terrain privat vegna rumi dal cumün, es quai pussibel cunter pajamaint. Annunzchar p.pl. in büro cumünal opür directamaing al manader tecnic;
3. I nun es admiss, davo cha'l Cumün ha rumi las vias, da rumir naiv da terrain privat sün vias cumünalas. A quels chi surpassan quista decisiun dal Cussagl cumünal vaina miss in quint la lavur per rumir la via cumünala da nouv.

Tuot ils ogets (vaschs, chaistas da fluors, bancs e.o.p.) chi sun miss davant las chasas ston gnir allontanats sur invern, per evitar dons in connex culla rumida da naiv.

## **Il Cussagl cumünal**

### **Uorden da parcar**

La pulzia chantunala pretenda chi gnian tuttas davent las vignettas veglias e cha las vignettas hajan in avegnir da gnir montadas be sülla fanestra davant (Frontscheibe).

Il Cussagl cumünal comunichescha a tuot las societats ed organisaturs da far parcar ils autos in cas d'arrandschamaints (concerts, discos, teater e.u.i.) süls implants publics. Las controllas vegnan intensivadas.

## **Il Cussagl cumünal**

### **Attest da tgnair chans**

Als 1. settember 2008 es entrada in vigur l'ordinaziun nouva. Üna part importanta da quista ledscha es il dovair da scolaziun. L'uffizi federal veterinar (UFV) prescriba cha tuot ils possessurs da chan han d'absolver ün cuors obligatoric.

#### **Cuors teoretic**

Chi chi nu d'eira amo mai in possess d'ün chan, sto absolver il cuors teoretic avant sco cumprar il chan. Chi chi vaiva fingià avant ils 1. settember 2008 ün chan nun es in oblig da visitar quist cuors, sto però cumprovar d'esser stat fingià in possess d'ün chan (ANIS, attest da vacziunaziun eui).

#### **Cuors pratic**

Minch'ün chi'd es nouv in possess d'ün chan a partir dals 1. settember 2008, independent ch'el/ella possedaiva fingià ün chan o na, sto far il cuors obligatoric.

Ils trenaders/ras da chans chatta Ella/El suot: <http://bvvet.bytix.com/plus/trainer/>.

## **Administraziun cumünala**

## Traversada 2011

La Traversada 2011 vain manada tras in sonda, 2 da lügl 2011. Reservai fingià hoz quella data. Nus ans allegrain sün gronda partecipaziun.

### Ils organisaturs



## SENT IN MOVIMAINIT

### December 2010

#### Participants:

4 persunas singulas

Soc. da gimnastica da senioras (9 persunas)

#### Gener da sport:

#### Uras:

#### Puncts:

|                |            |            |
|----------------|------------|------------|
| T-Bow          | 3          | 6          |
| Passlung       | 28         | 56         |
| Chaminar       | 215.5      | 431        |
| Pilates        | 3          | 6          |
| Nordic Walking | 15.5       | 31         |
| Hockey         | 6          | 12         |
| Gimnastica     | 67         | 134        |
| <b>Total</b>   | <b>338</b> | <b>676</b> |

### Schefa da cultura e sport

### Investir temp in movimaint (sport) = Üna buna investiziun

Blera glied as mouva fingià bler dūrant il temp da lavur. Quai es natūralmaing fich bun. Cun nos program laina promover movimaint (sport) dūrant il temp liber. Als 1. schner ha cumanzà la terza runda da Sent in movimaint e dūra fin als 30 gūn 2011.

Exaimpel: Lady Muster, schner 2011 (la glista dar gio mincha fin dal mais sūn büro cumūnal)

La glista per portar aint il gener da sport e'ls puncts as poja chargiar gio da l'internet [www.sent-online.ch/sport](http://www.sent-online.ch/sport).

|           |              |          |          |
|-----------|--------------|----------|----------|
| 2 schner  | Ir a spas    | 1.0 ura  | 2 puncts |
| 5 schner  | Ir culs skis | 3.0 uras | 6 puncts |
| 8 schner  | Passlung     | 1.5 ura  | 3 puncts |
| 15 schner | Aerobic      | 1.0 ura  | 2 puncts |

La fin da gūn 2011 vain trat la būs-cha tanter tuot ils partecipants. Ils prüms trais tschüffan ün premi.

### Schefa da cultura e sport